



INATSISARTUT

UKA2015/109 Ilanngussaq 3

Nuummi Politimestereqarfik
Postboks 1006
3900 Nuuk
Kalaallit Nunaat

Ulloq: 29. oktober 2015

J.nr.: 01.33.05-00129

Akilerartarnermut Oqartussaasut ataanni immikkoortortaqarfimmik immikkut suliaqartussamik, aningaasaqarnikkut pinerluuteqartarnerup, ilaatigut ikiaroonartunik niuernartarnermut attuumassuteqartup, paasineqarnissaanik siunertaqartussamik pilersitseqqullugit Naalackersuisut peqquneqarnissaanik siunnersuut, tamanna pissaq akileraarusersuinermi annertunerusumik suliniuteqarneq aqqutigalugu, tamatumunnga ilanngullugit nalunaarsuiffiit atortorissaarutillu pioreersut ataatsimoortinnerat, tassuunakkut isertitat pigisallu nalillit inatsisinik unioqqutitsilluni pissarsiaasimasut paasineqarsinnaaqqullugit. UKA 2015/109-mik Inatsisinut Ataatsimiititaliap suliarinninneranut atatillugu apeqqutit:

Ukiuni kingullerni rockerit pinerlunniaqatigiillu ikiaroonartumik pinerluuteqartarnerannik akiuiniaarlutik politiit Danmarkimi akilerartarnermut oqartussaasut peqatigalugit immikkut ittumik "Al Capone model"-imik taaneqartumik suliniuteqartarsimapput: Tassani inummik rockerit pinerlunniaqatigiillu akornanni inooqataasumik politiit ilisimasaqalertarlutik kisiannilu pineqartup ilumut ikiaroonartulerilluni pinerluuteqarnermut akuunera uppersarsinnaanagu, taamaattoqarnerani politiit pineqartup aningaasaqarnikkut inissisimanerata misissorneqarnissaa pillugu akilerartarnermut oqartussaasunut qinnuiginnittarlutik, tassani aamma pineqartup isertitatut nammineerluni nalunaarsugaanut tulluanngitsunik nalilinnik qanoq pigisaqartiginerata misissorneqarnissaanut (soorlu illunik, biilnik imaluunniit motorcykelinik).

Inuit uppersarsarneqarsinnaanngitsumik ikiaroonartumik niuffateqarnermut akuusut ikiaroonartumik niuffateqarnermikkut isertitaatigut eqqorneqarnissaat tassani siunertarineqarpoq. Taakku - uppersarsaatit amigarnerat pissutaalluni – ikiaroonartumik niuffateqarneq pillugu eqqartuunneqarsinnaanngillat, akileraarutinilli akiliuteqarsimannginnermut eqqartuunneqarsinnaallutik, pigisaallu akileraarutitigut akiitsunut matussutissatut arsaarinnissutigineqarsinnaallutik.

Danskit Akilerartarnermut oqartussaasui 2010-mi inuit rockerinut pinerlunniaqatigiinnullu attuumassuteqartutut politiinit nalunaarsugaasut 350-it pallillugit akilerartarnikkut inissisimanerat misissuiffigisimavaat, tamanna akileraarutitigut, momsitigut akitsuutitigullu 37 mio. kr-it missaarlugit isertitsinerunermik nassataqarsimavoq. Ukiorku taanna suliani rockerinut pinerlunniaqatigiinnullu attuumassuteqartuni arfinilinni akileraarutininik akitsuutinillu akiliuteqarsimannginnermut eqqartuussisoqarsimavoq, katillugu ukiuni qulini qaammatinilu pingasuni parnaarussassanngortitsinermik kinguneqartunik, 23 mio. kr-llu. missaannik ilassutitut akiliisitaasussanngortitsisoqarsimalluni.

Maani Kalaallit Nunaanni ikiaroonartumik niuffateqarneq rockerinut pinerlunniaqatigiinnullu attuumassuteqaanngilaq; tassami nunami maani tamakkoqanngilaq. Apeqqutaavorli periuseq Al Capone Modelimik taaneqartoq Kalaallit Nunaata ikiaroonartuernianik akiuniarneranut sakkutut atorneqarsinnaanersoq.

Tamanna tunngavigalugu Inatsisartunut ilaasortap Andreas Uldumip 2011-imi § 37-tunngavigalugu apeqquteqaatikkut (156/2011) Naalackersuisut qinnuigai, Kalaallit Nunaanni akileraartarnermut oqartussaasut inuit suliffeqarfiillu ikiaroonartumik niuffateqartut politiinit pasineqartut akileraarteqartarnikkut inissisimanerat pillugu misissuiffiginissaannut politiinik suleqateqarsinnaaneranunni periarfissat suut – akornutaasinnaasullu suut - Naalackersuisut takusinnaaneraat paasissutissiisutigequllugu.

Taamanikkut Naalackersuisuusut akissuteqaamminni imatut paasissutissiipput:

” Pinerluttulerinermik suliamik misissuineranut atatillugu Kalaallit Nunaanni akileraartarnermut oqartussat paasissutissanik Politiinut tunniussinissaminnut periarfissaqarput. Politiilli kisimik taamatut misissuisinnaapput, taamaattumik paasissutissanik tunniussinissamik noqqaassuteqarneq taakkuninngaaneertariaqassaaq. Akileraartarnikkut eqqortumik akileraarusiinissamut tunngavissinissaq siunertaralugu tamatuma kingorna pineqartumik kiisalu suliffeqarfinnut attuumassuteqartunut Akileraartarnermut Aqutsisoqarfik misissuisinnaavoq.

Akileraartarnermut Aqutsisoqarfik aamma Politiit attaveqaataat ullumikkut akuttunngitsumik ataatsimiittareerput, tassani ataatsimut soqutigisat suliniuteqarfiit oqallisigineqarlutillu ataqatigiissarneqarsinnaallutik. Akileraartarnermut Aqutsisoqarfiup Akitsuuserisui Politiinik annertuumik ingerlalluatumillu suleqateqarput, siullertut taaneqartumit nioqqutissanik akitsuusersorneqartussanik unioqqutitsilluni eqqussuineramik misissuineranut atatillugu ikiaroonartunik, aangajaarniutinik allanik, nakorsaatinik inerteqqutaasunik il.il. eqqussiniartoqartoq paasineqartillugu.”

” Periarfissaq alla tassaavoq akileraarusiinermit sulinerup annertusineri. Tamatumani aningaasatigut pinerluttuliorneq qulaajaaffigineqarsinnaassaaq, tassungalu ilanngullugu inatsisit naapertorlugit pissarsiarisimangisaannik inuit isertitaat (aamma pigisanik soorlu biilit, angallatit illullu taakku aningaasaliiffigininnaasimasaat) paasineqarsinnaallutik, taamatulli suliniutit arlaatigut sunniuteqassappata annertuumik ”aaqqissuussinermik ineriartortitsinissamik” pisariaqartitsissaaq, taamaalilluni suliaqarfinniit assigiinngitsuniit (akileraartarnermiit, motorinik nalunaarsuisarfanniit aamma eqqartuussiviup illut pillugit nalunaarsuisarfanniit) paasissutissat ataatsimut ataqatigiissinneqarlutik.

Ikiaroonartunik niuerneranut naleqqiullugu suliniutit annertunerulernerinut ”akornutaasinnaasut”, tamatumalu kingunerisaanik pinerluttuliornerit allat, taamaattumik Akileraartarnermut Aqutsisoqarfimmi siullermik isumalluutini pigineqartuniippoq (aningaasaqarnikkut, sulisoqarnikkut, annertussutsikkut kiisalu pitsaassutsikkut).

Immikkoortumut isumalluutinik annertunerusunik immikkoortitsinissamut kissaateqarneq politikikkut aalajangiiffigisassaavoq, taamaattoqassappallu tamatumani Namminersorlutik Oqartussat pisussaaffii ingerlataalu allat pilliutigineqartariaqassallutik. Aningaasatigut sulisutigullu toqqammavigineqartut iluanni suliap tamatuma Akileraartarnermut Aqutsisoqarfimmit salliutinneqarnissaa kissaatigineqarpat peqatigisaanik immikkoortut allat suut salliutinneqannginnissaat isummerfigisariaqarpoq.

Inatsisinut Ataatsimiititaliaq katersuunnermi matumani aalajangiiffigisassatut siunnersuummik, qulaani apeqqutit akissutillu kinguneqartitaanerattut taaneqarsinnaasumik, suliaqarpoq: *Akilerartarnermut Oqartussaasut ataanni immikkoortortaqarfimmik immikkut suliaqartussamik, aningaasaqarnikkut pinerluuteqartarnerup, ilaatigut ikiaroorartumik niuerniarnermut attuumassuteqartup, paasineqarnissaanik siunertaqartussamik pilersitseqqullugit Naalakkersuisut peqquneqarnissaanik siunnersuut, tamanna pissaaq akileraarusersuinermi annertunerusumik suliniuteqarneq aqqutigalugu, tamatumunnga ilanngullugit nalunaarsuiffiit atortorissaarutillu pioreersut ataatsimoortinnerat, tassuunakkut isertitat pigisallu nalillit inatsisinik unioqqutitsilluni pissarsiaasimasut paasineqarsinnaaqqullugit.*

Siunnersuut (ilanngussatut nassiunneqartoq) suliaasangorlugu Inatsisinut Ataatsimiititaliamut innersuussutigineqarpoq.

Ataatsimiititaliaq siunnersuummik suliaqarnerminut atatillugu Politimestereqarfimmut imaattunik apeqqutissaqarpoq:

1. Kalaallit Nunaata ikiaroorartuernerani akiuniarnerani periutsimik Al Capone modelimik taaneqartumut eqqaanartumik sakkutut atuisoqarsinnaanera ajornangitsutut Politimestereqarfimmit nalilernerqarpa?
2. Isertitanik pigisanillu annertusisamik sanilliussilluni iliuseqarnikkut, tassani nalunaarsuiffiit suliaasaqarfinnilu aqqissuussat assigiinngitsut piusut suleqatigiilersillugit, isertitanik pigisanillu inatsisit unioqqutillugit pissarsiarineqarsimasunik qulaajaanissamat periarfissaq malunnaatilimmik pitsangoriartinneqarsinnaasutut Politimestereqarfimmit nalilernerqarpa?
3. Siunnersuutigineqartutut Akilerartarnermut Aqutsisoqarfimmi immikkoortortamik immikkut piginnaasalimmik pilersitsinerup, akilerartarnermut oqartussat politiinut ikiuussinnaanerat nukittorsarsinnaagaa Politimestereqarfik naliliiva, imaluunniit immikkoortortamik taamaattumik pilersitsinissaq Politimestereqarfimmit pisariaqanngitsutut nalilernerqarpa?
4. Siunnersuutip siunertamat qanoq pitsaatiginera pillugu Politimestereqarfik allanik oqaaseqaatissaqarpa?

Ataatsimiititaliap siunnersuummik suliaqarnerata ingerlaqqinnissaa eqqarsaatigalugu, ataatsimiititaliap qinnutigissavaa tamanna ajornangippat, akissutit 9. november 2015 siqqullugu tiginissai.

Inussiarnersumik

Anders Olsen

Inatsisinut Ataatsimiititaliamut Siulittaasoq